

Bolborategiak etxe ondoan



MIREN SAEZ

Lantarongo General Quimica enpresan egindako istripu simulazio bat.

ENPRESA ARRISKUTSUAK. Tolosan (Okzitania) duela bi aste izan zen enpresa petrokimiko baten leherketak ezbaian jarri du haien segurtasuna

Iñaki Petxarroman | DONOSTIA

Joan den irailaren 21ean Okzitaniako Tolosan izugarriko istripu larria gertatu zen AZF enpresa petrokimikoan. Ustez sufre azidoaren ihes batek 300 tona amoniako nitrato leherrarazi zituen, eta enpresa hankaz gora botatzeaz gain, inguruko enpresa eta erai-kinetan kalte larriak eragin zituen. 29 pertsona hil ziren, eta 3.000 inguru zauritu, eta inguruko 300 enpresatik gora larri kaltetu zituen leherketak.

Istripua enpresa kimiko batean aspaldi izandako larriena da. Adituek diotenez, 1920ko hamarkadatik ez da horrelako istripu larrik izan Europa osoan. Alabaina, enpresa hauek arriskutsuak dira, eta aukera ematen dute horrelakoak gertatzeko.

Euskal Herrian, enpresa

arriskutsu dezente daude, batez ere, Araban, Gipuzkoan eta Bizkaian. Populazio handiko gunetatik gertu daude asko, eta elkarrengandik ez oso urruti. Esaterako, Hernanin, hiru enpresa arriskutsu daude; Barakaldon, berriz, lau.

Europako araudiari jarraiki, enpresa arriskutsuek Kanpoko Larrialdietarako Planak izan behar dituzte. Hau da, enpresetatik kanpora kalte larriak eragin ditzaketen enpresak haiek kontrolatzeko behar diren bitartekoak eta pertsonak antolatu behar dituzte, administrazioarekin batera. Euskal Herrian 24 enpresa daude Kanpoko Larrialdietarako Plana dutenak.

Araban, Gipuzkoan eta Bizkaian Eusko Jaurlaritzaren hiru sailek parte hartzen dute plan horietan: Larrialdietarako Zuzendaritzak, Osasun Publikoko

GOGOAN IZATEKOAK

Aholkuak larrialdietarako

Enpresa kimiko batean istripu bat izango balitz, honako aholku hauek ematen dizkiete agintariak enpresa dagoen herriko biztanleei:

EGIN BEHAR DENA

IRRATIEI KASU EGIN. Entzun tokiko irratiak, eta agintarien gomendioei kasu egin.

ATE ETA LEIHOAK ITXI. Etxeko ate eta leihoak itxi eta urrundu haietatik.

KALEAN BAZAUDE. Kalean izanez gero, arnasbi-deak itxi zapi edo trapu batez, eta gordeleku batera joan ahal den lasterren.

GASA ETA ARGINDARRA. Itxi gasaren eta argindarraren giltzak.

EGIN BEHAR EZ DENA

EZ ATERA. Ez atera kalera larrialdia amaitutzat jo arte.

HAURRAK. Ez joan eskolara haurren bila. Arduradunen esku utzi.

TELEFONOA. Ez erabili telefonoa.

SUA. Ez erre eta ez piztu surik.

ARGINDARRA. Ez piztu etxeko tresnarik. Pilak erabili irratia entzuteko.

Zuzendaritzak eta Industria Sailak. Bidenabar, Ingurumen Sailak ere esku-hartzea izango luke, baldin eta balizko istripu batek kalteak eragingo balitu ingurumenean.

Industria Saileko iturriek EGUNKARIARI adierazi diotenez, «horrelako enpresek zehaztu behar dituzte gerta daitezkeen istripu guztiak, hipotesirik txar-

renak kontuan hartuta, gainera. Badago nahiko ingeniari-tza hipotesi bakoitzean behar den bezala jarduteko, nahiko teknologia eta babes neurri gerta daitezkeenari buru egiteko».

Iturri beren arabera, «industriaren jabeak zehaztu behar ditu Kanpoko Larrialdietarako Planak: hor esku-hartze eta alarma guneak zehazten dira.

Esku-hartze gunean, laino toxikoak zenbati eragingo liokeen, nola, zer sistema jarri behar liratekeen martxan. Guk oniritzia eman behar diogu».

Hala ere, Alberto Frias Eguzki talde ekologistako kidearen iritziz, «orain arte izan diren kasuek erakusten dute ez gaudela batere babestuta». Hala azaldu du: «Lantarongo General Qui-